

CALL FOR PROJECTS: Sessiun da pitching als Dis da film da Soloturn

Il Dis da film da Soloturn e la Sentupada Litterara a Soloturn organischeschan ensemen ina sessiun da pitching per adattaziuns litteraras – in format cumprovà a divers festivals internaziunals. En il rom dal program "SO PRO" dals Dis da film da Soloturn 2024 survegnan tschintg projects da litteratura l'occaiun da preschentar lur idea a producent*as sviz*ras etablid*as e da manar silsunter in discurs en il rom d'in speeddating. Questa occurrenza ha lieu sonda, ils 20 da schaner 2024. La finamira è da survegnir in contract d'opziun per in'adattaziun da film.

Per quest intent pon editur*as ed agent*as da litteratura inoltrar a partir d'immediat manuscrits da romans svizzers (planisads) che cumparan en il program d'atun 2023 u la primavaira 2024.

Temp d'inoltraziun: 1-9 fin 31-10-2023

PERTGE PITCHING?

Il Dis da film da Soloturn è il festival da film il pli impurtant per films svizzers ed ina sentupada da la branscha per cineast*as, producent*as, puschid*ras (televisiun/plattafurmas da streaming), promotur*as, agent*as ed uschia vinavant. Ord vista da la branscha, spezialmain per producent*as, èn sessiuns da pitching in format effizient per scuvrir texts litterars che vegnan en dumonda per in film. Per els e lur projects è quai ina plattafurma per vegnir en contact cun persunas dal fatg decisivas e per crear raits e contacts cun la finamira da survegnir contracts per adattaziuns da film e bler auter. Ultra da quai vegn il process accompagnà d'expert*as da la branscha.

CUNDIZIUNS FORMALAS:

Admess èn texts ficziunals

- en ina da las quatter linguas naziunals uffizialas,
- che derivan d'autur*as sviz*ras u da persunas che vivan en Svizra e
- che vegnan publicgads il pli baud en il program d'atun 2023 d'ina chasa editura svizra u estra.
- **L'ultim termin per inoltrar projects è ils 31-10-2023.** L'inoltraziun vegn confermada.

TGE ÈSI D'INOLTRAR?

- sinopsis (2000 fin 2500 segns)
- biografia da l'autur*a
- commentari da l'autur*a (max. 5000 segns; Pertge ha quest cudesch in potenzial filmic?)
- commentari da la chasa editura (max. 5000 segns; Per tgi è la tematica relevanta? Tge strategia da marketing datti? En tge ediziun vegn il cudesch edi? Èsi planisà da translatar el?)
- conferma: ils dretgs dal film èn averts

Examinads vegnan mo ils projects inoltrads cun documents cumplets.

CO VEGNI TSCHERNÌ?

Ina cumissiun interdisciplinara da trais persunas giuditgescha ils projects. Ella metta l'accent sin la qualitat e l'originalitad da l'istorgia e la moda da raquintar, sin la relevanza ed il potenzial filmic e la realisabladad per l'industria da film svizra.

Il tschintg projects tschernids vegnan communitgads il **november 2023**. La nunelecziun d'in project na vegn betg motivada. La confidenzialitad per tut ils projects inoltrads è garantida.

PREPARAZIUN PER LA SESSIUN

Il **december 2023** porschan ils Dis da film da Soluturn in briefing per las chasas edituras/autur*as tschernid*as. Niccolò Castelli, manader artistic dals Dis da film da Soluturn e reschissur, declera co ch'ina tala sessiun da pitching funcziuna e tge infurmaziuns ch'èn impurtantas.

Fin ils **31 da december 2023** ston tut ils documents vegnir mess a disposiziun per il pitching sheet. (Infurmaziuns en chaussa suondan il november.)

PITCHING & SPEEDDATING

Ils **20 da schaner 2024** vegnan tut ils tschintg projects tschernids preschentads curtamain en l'emprima part da la sessiun. En la segunda part datti la chaschun da manar discurs pli concrets en furma da speeddatings tranter producent*as potenzial*as e las chasas edituras/autur*as. La sessiun da pitching ha lieu en in rom serrà mo cun il public envidà.

FINANZIAZIUN DA PARTENZA

Ils Dis da film da Soluturn e la Sentupada Litterara a Soluturn garanteschon ina finanziaziun da partenza (CHF 3'000.-) per projects che chattan ina firma da producziun en il rom dals Dis da film da Soluturn. La summa cuvra ina part dal contract d'opziun per ils dretgs da film e sto almain vegnir redublada da la producenta u dal producent che acquista ils dretgs da l'ovra. Ella vegn assegnada a la firma da producziun che acquista ils dretgs da l'ovra, uschespert ch'il contract d'opziun sutscrit è avant maun (il pli tard 12 mais suenter la sessiun da pitching). Sch'in project d'ina chasa editura estra chatta ina firma da producziun, sto il contract d'opziun garantir che almain la mesadad da l'import negozià en il contract d'opziun per ils dretgs vegnia assegnada a l'autur*a.

INOLTRAZIUNS E DUMONDAS @ Philine Erni, comunicaziun e program da la Sentupada Litterara a Soluturn, philine.erni@litteratur.ch, +41 79 127 52 12

Cun sustegn da Pro Helvetia, fundaziun svizra per la cultura, e da l'Uffizi federal da cultura.